

فيديو #٤٩٤ من مقاطع حظر التجول تدبر سورة الأحقاف # ٢

الآيات ٥ - ٨

فاضل سليمان

السلام عليكم ورحمة الله وبركاته. اهلا بحضراتكم في المقطع رقم ربعمية اربعة وتسعين. من مقاطع حظر التجول. والحلقة الثانية من حلقات تدبر سورة الأحقاف. سورة الأحقاف السورة رقم ستة واربعين في ترتيب المصحف برجاء - [00:00:04](#)

فتح سورة الأحقاف المصاحف او في التطبيقات اللي معكم على الموبايل اقرا معي الآية خمسة والآية ستة اعوذ بالله السميع العليم من الشيطان الرجيم ومن اضل من يدعوا من دون الله من لا يستجيب له الى يوم القيمة - [00:00:31](#)

وهم عن دعائهم غافلون واذا حشر الناس كانوا لهم اعداء وكانوا بعبادتهم كافرين خلي بالك الآيات دي معطوفة على الآية اربعة اللي تدبرناها امبارح وكأن ربنا بيلقن النبي صلى الله عليه وسلم ما يقول للكافرين - [00:00:57](#)

وببدأ في الآية اربعة بيلقنه كيف يتحداهم ردًا على التحدي اللي هم رموه في الجاثية. في ناس بقى الحقيقة بتقعد تقول وده مش الغاء لشخصية النبي بان ربنا كل شوية يلقنه يقول ايه؟ قل كزا قل كزا قل ايوة ما هو لا مش من غير شخصية النبي - [00:01:24](#)

هو النبي شغلته انه يوصل الكلام النبي ما بيقولش حاجة من نفسه ابدا فان هو الا وحي يوحى على فكرة كل الانبياء كده ده حتى في آية في الانجيل المسيح بيقول فيها انا لا اقول الا ما اسمع منه. هو كده كلهم كده. فده اول حاجة مش الغاء لشخصية. هو ده - [00:01:44](#)

المطلوب منهم لاعطاء الناس ثقة اكبر في اللي بيقولوه. انهم مش بشر بيلفوا كلام ممكن يكون صح وممكن يكون غلط الحاجة الثانية هو فيه تربية اه نفسية تربية روحية للنبي عليه الصلاة والسلام. ان هو كل حاجة تأخذ اوامر تروح تنفذها - [00:02:12](#)

لان ده النبي يعني اسري به آآآ من المسجد الحرام المسجد الاقصى عرج به الى السماء. حاجات كلها ممكن تدخل في الانسان آآآ آآآ احساس آآآ مش لكن هنا يبقى فيه من انواع التربية الروحية اللي تلقاها النبي وانا عندي في دورة التربية الروحية في - [00:02:29](#)

في حلقة كاملة لتربية النبي كيف تمت بالقرآن. من ضمنها هزا الاسلوب اللي هو التلقين نرجع بس للآية اربعة احنا قلنا كان فيها تلقين للنبي كيف يتحداهم؟ ردًا على التحدي اللي رموه على المسلمين في سورة الجاثية. اقرا معي الآية اربعة في سورة الأحقاف - [00:02:50](#)

قل ارأيتم ما تدعون من دون الله اروني ماذا خلقوا من الارض ام لهم شرك في السماوات؟ يعني شايفين اللي انتم بتدعوهם دول وبتعبدوهم من دون الله؟ يلا اثبتوا لنا الوهيتهم بانكم تورونا هم - [00:03:13](#)

ايه من المخلوقات اللي موجودة دي كلها في السماوات والارض ولا هم داخلين شركاء مع الخالق في الخلق كمل الآية اربعة ائتوني بكتاب من قبلي هذا او اثارة من علم ان كنتم صادقين. طيب هاتوا لي كتاب يثبت الوهيتة - [00:03:31](#)

طب بلاش كتاب اثارة من علم. قصاصة كده ولا بقية علم من هنا ولا من هنا ان كنتم صادقين. زي ما هم قالوا لنا في الجافية ان كنتم صادقون لما تحدوونا نثبت البعد وقالوا اتوا بابائنا ان كنتم صادقين - [00:03:50](#)

هنا ربنا هيعلم النبي بقى ان كفاية كده احراج لما تدعوا الناس ما تشدش عليهم او عشان الموضوع ما يقلبس معهم عند لطف الجو شوية لما بالزات هت تكون هتتكلم عن - [00:04:06](#)

آآ الغباء او التوهان او الضياع ان من العنيف جدا انك تقول للناس في وشهم انتم ضايعين انتم ما هو ده معنى كلمة

ضالين. ضالين يعني ايه؟ يعني ضايعين. يعني تايهين - 00:04:23

فهنا بقى اقلب اقلب صيغة الخطاب من صيغة المخاطب بصيغة الغائب عشان تلطف الجو شوية. اقرأ الآية خمسة وشف الالتفات حصل ازاي ومن اضل من يدعو من دون الله من لا يستجيب له الى يوم القيمة. وهم عن دعائهم غافلون - 00:04:41

قل لهم مين اضل يعني مين اضيع؟ مين تايه اكتر من الانسان اللي بيذعن من دون الله الة مش بتستجيب له حتى لو قعد يدعوها الى يوم القيمة. هيفضلوا عن دعائهم مش عن دعائي هو. خل بالك بقى هنا حصل التفات من المفرد - 00:05:07

هنسك التفاتات في الآية ونفهم الغرض منه ايه عن دعائهم ها غافلون يعني هنا الالتفات ده هدفه التعميم يعني ما فيش حد تايه اكتر من النبي ادم اللي عمال يذعن الة مش بتستجيب لهم. يعني كل بني ادم - 00:05:29

دعا الة اخرى الى يوم القيمة ما حدش يستجاب له. فحصل تعميم. لأن هذه الالهة غافلة عن هذا الدعاء. ما هي اما الة مصنوعة زي الاصنام في ارض اصلا مش حاجة حاجة - 00:05:52

او بشر لا يملكون لأنفسهم شيئا زي المسيح زي بوزة واصلوا لا يعلموا حتى ما حدث بعدهم وان الناس عبدتهم اخدتم بالكم بقى في الآية دي من الالتفتين الرائعتين دول واحنا هنسكهم واحد دلوقتي - 00:06:05

كل التفاتات له هدف الالتفات الاول هو ان الآية ما كملتش كلام مع الكفار بصيغة المخاطب زي الآية اربعة وكأنها بتقلل الاحراج بقى عنهم شوية وبتدعواهم لتشغيل مخهم عشان ما يعندوش - 00:06:21

فبدل ما النبي يقول لهم انتم ضالين لأنكم بتدعوا من دون الله الة لا تستجيب لكم هتبقى مهينة او اي انتم ضالين دي. وممكن ياخدوها عند لما طالما بقى الموضوع دخل فيه يعني كلام - 00:06:41

مبادر كده الآية اربعة صحيح كان فيها احراج لهم بس في شكل اسئلة بشكل علمي كده وليس اتهام بالضلالة اثبتوا لنا بالخلق ان دول الة طب اثبتوا لنا بوجي وهاطوا لنا كتاب - 00:06:54

الكلام كان في شكل اسئلة طول ما انت بتوجه اسئلة انت مش بتوجه اي اهانة ممكن تستفز اللي قدامك لكن احنا في مرحلة الدعوة دلوقتي لو دخلنا وقلنا لهم انتم ضالين - 00:07:13

هيعدوا معنا مش عايزينهم يعدوا. احنا عايزين ربنا يهديهم نلجلأ بصيغة الغائب لما تعرف ان انسان بيعمل حاجة غلط فتقول له لما تقابله والله يا اخي فيه ناس غريبة او يتعمل كذا كذا - 00:07:27

هو يفكر كده بيمنه وبين نفسه يقول لك اه صح. هو ايه الغباء اللي انا فيه ده عشان ما يشعرش بالاهانة تغير الخطاب بصيغة الغائب وكانك بتتكلم بشكل عام عن ناس عن اي حد وخلاص - 00:07:41

تمام ده التفاتات. التفاتات الثاني من المفرد للجمع زي ما قلنا انت دلوقتي كنت بتتكلم بالمفرد وقلت ايه ومن اضلوا من يدعوه ده واحد بس اهو من دون الله من لا يستجيب له - 00:07:54

بني ادم واحد الى يوم القيمة بالمفرد وبشكل عام عن الانسان اللي بيذعن الله مش بيستجاب له مش بيستجيب له. بدل ما يدعوه الله الذي يجيب الدعاء عمال يذعن الة مش بتستجيب له - 00:08:11

ثم عاوز تقول ان كل واحد عمل كده في التاريخ ما حدش استجاب له. فبتقلب بصيغة الجمع وهم عن دعائهم غافلون كلهم حصل لهم كده ده يا ريت بس كده بقى. اسمع الادهى - 00:08:25

يا ريت بس ما استجابوش لهم. لأن ده كمان الالهة اللي عبدوها دي. يوم القيمة بتتصبح اعداء للناس اللي عبدوهم الناس اللي عبدت هذه الالهة من دون الله الالهة بتتصبح عدوة لهم وبيتنصلوا من عبادتهم لهم. اقرأ الآية يا ستي - 00:08:40

واذا حشر الناس كانوا لهم اعداء وكانوا بعبادتهم كافرين. ولما الناس تحشر بقى الالهة اللي عبدوها دي هيبيقوا اعداء لهم. وهيبرأوا من هذه العبادة اللي هم الم يطلبواها ولم يعرفوا عنها شيء اصلا. طبعا الآيات بقى في سورة ال عمران عن السيد المسيح وهو بيترأ من اللي حصل ومن عبادته ومن عبادة امه - 00:09:00

والكلام ده كله. عارفين طبعا مش في حاجة نقدر نسرد الآيات دي دلوقتي انا بقى هنا الحقيقة لاحزت التطور الغريب في علاقة

المعبد بالعبد لاحظ معي اول حاجة لم يستجيبوا لمن يدعوهם. ثانياً غافلين عن عبادتهم ودعائهم. ثالثاً هيبيقو اعداء لهم لما اه لما - 00:09:25

لما يحشروا. رابعاً هيكفروا بهم وهميتنصلوا منهم اصلاً. ويتبرأوا منهم. اقرأ معي خمسة وستة ولاحز التطور ومن اضل من يدعو من دون الله من لا يستجيب له. ادي اول حاجة - 00:09:48

ما بستجحبش من لا يستجيب له الى يوم القيمة وهم عن دعائهم غافلون. ادي تاني حاجة. الهمة اصلاً غافلة عن هذا الدعاء كمل واذا حشر الناس كانوا لهم اعداء. ادي تالت حاجة هيبيقو اعداء للناس دي كمان - 00:10:05

وكانوا بعذاتهم كافرين. وكمان هيكفروا بهذه العبادة ويبرؤوا نفسهم منها ادي رابع حاجة الاية ستة ايضاً تخويف للكفار برضه بصيغة الغائب واذا حشر الناس اي ناس. اللي هم هم. بس احنا بنتكلم في صيغة. واذا حشر الناس بشكل عام. كانوا لهم اعداء. وكانوا بعذاتهم كافرين. يعني شغلوا - 00:10:23

اخوكم يا جماعة وما تقعوش في المشكلة. ما تقعوش في بالقلب ده ما تقعوش فيه المطلب ده فالنبي بيقول لهم الالهة الزائفة دي مش بس مش بستجيب لكم وغافلة وهميعدوكم وكمان هيتبرأوا منكم - 00:10:47

بس بصيغة الغائب كأنه بيقول لهم ما تحطوش نفسكم في الموقف ده واسمعوا كلامي للاسف الكفار هي عملوا ايه بقى بص بعد كل ده احنا يعني بجد الرسول عليه الصلاة والسلام - 00:11:05

استهلك كل او استعمل كل وسيلة ممكنة لهداية الناس وما فيش فايدة اللي على بصره غشاوة ما فيش فايدة اقرأ سبعة وثمانية. واذا تتنلى عليهم اياتنا بینات قال الذين كفروا للحق لما جاءهم هذا سحر مبين - 00:11:18

ام يقولون افتراه قل ان افترته فلا تملكون لي من الله شيئاً هو اعلم بما تفيضون فيه كفى به شهيداً بيني وبينكم وهو الغفور الرحيم سبحان الله الايات من اول الاحقاف - 00:11:42

وهي كأنها بتتكلم عن الكفار على مر التاريخ. الكفر ملة واحدة كلهم كفروا بما جاءهم من انذارات اقرأ اخر الاية ثلاثة والذين كفروا عما انذروا معرضون. كلهم ما قدروش يثبتوا ان هم خلقت اي شيء. كلهم ما قدروش يجيبوا - 00:12:03

بتقول الوهية والهاتهم. كلهم هم مش بستجيب لهم. يوم القيمة كلهم هم هيبيقو اعداء لهم وهميكتفروا بهم وهميتبرأوا منهم. ثم فجأة انت قلت الاية القرآنية لمشهد كفار مكة بالزات وهم بتتنلى عليهم ايات القرآن وبيقولوا عليه السحر. وبيقولوا ان النبي كمان الفه من دماغه. يعني الايات كانت ماشية عامة - 00:12:27

او عموماً عن الكفر وعن الكفار. وفجأة الكلام دلوقتي بقى على قريش بالزات على كفار العرب او كفار مكة بالزات. اقرأ الاية سبعة. واذا تتنلى عليهم اياتنا بینات قال الذين كفروا للحق - 00:12:54

لما جاءهم هذا سحر مبين ام يقولون افتراه النبي عليه الصلاة والسلام قل ان افترت قل يا محمد دافع عن نفسك وقل ان افترته فلا تملكون لي من الله شيئاً - 00:13:10

شفت النقلة اللي حصلت من كلام عام عن الكفار عموماً على مر التاريخ ثم موقفهم هم والهاتهم من بعض يوم القيمة لمشهد كفار قريش تحديداً وهم يكفر بالنبي وبالقرآن لازم في التدبر عينك تكون على الخط الزمني - 00:13:25

وعلى المكان اللي الايات بتتكلم عنه عشان تتذوق الحلاوة بتاعة القرآن قلنا من يومين عينك تبقى على الخطاب موجه لمين وبصيغة الغائب ولا المخاطب ولا المتكلم عشان تعرف تتدبر وتستمتع بالقرآن - 00:13:41

عينك ايضاً تبقى على الالتفات في العدد مفرد ولا جمع وامتنى بيقلب كده وامتنى بيقلب كده وتحاول تفكر ليه ودلوقتي بفكركم بمراقبة الخط الزمني والمكاني عشان تفهم الكلام عن كفار قريش ولا عموماً عن الكفار عموماً مسلاً او عن المؤمنين - 00:13:57

اتبع محمد او عموماً وهكذا. على مر الزمان كل ده مشروع بالتفصيل في دورة مفاتح التدبر اللي الرابط بتاعها بيتحط

لحضراتكم في كل بوست على الفيسابوك وفي كل آفي صندوق الشرح تحت كل فيديو على اليوتيوب - 00:14:16

دورة مفاتح التدبر خمستاشر حلقة مهمين جداً اللي عايز يتعلم التدبر. احنا بنعمله ده تدريب على اللي هتتعلم في الدورة نرجع

للاحقاف سبعة وثمانين. اقرا سبعة وثمانية اذا تتلى عليهم اياتنا ببيانات قال الذين كفروا للحق لما جاءهم هذا سحر مبين -

00:14:33

ملحوظة مش قالوا للرسول لما جاءهم بالحق لا دول قالوا للحق لما جاءهم في سورة البقرة ربنا بيقول انا ارسلناك النبي بالحق بشيرا ونذيرا فربنا ارسل النبي بالحق. يعني النبي جاي ومعه الحق - 00:14:57

سورة النساء يا ايها الناس قد جاءكم الرسول بالحق من ربكم. في الاعراف قد جاءت رسائل ربنا بالحق. فعادة الرسل تأتي وجايبين معهم الحق اما في الحواميم الوضع معكوس النبي يأتي في صحبة الحق - 00:15:17

اولا كلمة حق ترددت في كل سور الحميم الاحقاف جت سبع مرات في سورة الزخرف ربنا بيقول بل متعت هؤلاء واباءهم حتى جاءهم الحق ورسول مبين ولما جاءهم الحق قالوا هذا سحر وانا به كافرون. الحق هو القرآن هنا - 00:15:39

الحق هنا معناه القرآن جاءهم القرآن ورسول مبين خلي بالك من الترتيب الحق هنا وكان النبي هو اللي جاي في صحبة القرآن ليه القرآن هو حجة النبي صلى الله عليه وسلم - 00:16:06

القرآن هو الذي يثبت صدق نبوة النبي صلى الله عليه وسلم. احنا بنحب نثبت آ صدق النبوة نحب نثبت صحة الاسلام. بنعمل ايه؟ بنسبت ان القرآن من عند ربنا. طالما القرآن من عند ربنا يبقى النبي صادق. خلاص. فالقرآن هو حجته - 00:16:28

احنا عندنا فيديو مهم جدا لما تكتب كده على اليوتيوب كيف تثبت ان القرآن من عند الله في ربع ساعة واكتب اسم فاضل سليمان او موجود عندنا على الاليه في مجموعة اسمها بلاي ليست اسمها اسئلة الشباب. منهم واحد - 00:16:46

حاجة اسمها كيف تثبت ان القرآن من عند الله في ربع ساعة. ده مهم جدا. هتلاقينا بثبت صدق النبوة بحيث نثبت ان القرآن عند ربنا. ارجع لآية سبعة في الاحقاف - 00:17:00

واذا تتلى عليهم اياتنا ببيانات قال الذين كفروا للحق لما جاءهم هذا سحر مبين لما بتتلى عليهم ايات القرآن البيانات الواضحات في النهي عن الشرك واثبات انها هي الحق من عند الله. اللي كفروا بيقولوا عنها - 00:17:10

خلي بالك للحق ايضا معناها عن الحق يقول عن الحق هذا سحر مبين يقولوا للنبي وللناس عن القرآن ان ده سحر. القرآن سحر وطبعا تسمية القرآن بالحق هنا في هذا الموضع اقوى من تسميته بالقرآن. واقوى من تسميته بالكتاب. واقوى من تسميته بالآيات - 00:17:29

ليه لاقوى اسم هنا هو الحق لانهم قالوا عنه سحر والسحر هو عكس الحق الساحر بيسحر اعين الناس فيتخيلوا اشياء غير حقيقة. يتخيلوا ان الحال والعصي بتسعى. هي لم تسوى - 00:17:51

فالسحر عكس الحق. فهنا احسن اسم للقرآن هو الحق. ربنا اختار كلمة الحق للقرآن هنا. ما قالش كتاب فلما تقول عن القرآن سحر غير لما تقول عن الحق سحر بتقول عن الحق سحر اشنع - 00:18:14

فده بيبيين شناعة اللي قالوه انه سحر بيبيين بشاعة الكلام اللي قالوه اللي قاله عن الحق سحر. اقوى ما لو قلت قاله عن القرآن سحر نفس الكلام ينطبق على آية الزخرف - 00:18:33

ولما جاءهم الحق قالوا هذا سحر وانا به كافرون. اقوى ما لو كان قال ولما جاءهم القرآن قالوا هذا سحر اختيار اسم الحق للقرآن دقيق جدا وخدم المعنى جدا وسبحان الله! تقريبا كل امة من الكفار ادعت على نبيها ان هو سحر - 00:18:46

اقرا الآية تمانية ام يقولون افتراء قل ان افترته فلا تملكون لي من الله شيئا هو اعلم بما تفريضون فيه كفى به شهيدا بيني وبينكم وهو الغير غفور رحيم الاستفهام هنا غرضه التعجب - 00:19:07

ام يقولون افتراء؟ يعني حط ادعاء ان النبي ساحر ده على جنب واسمع الاعجب كمان منه ام يقولون افتراء يعني اسكت اسمع دي بقى ده كمان بيقولوا انه في تراه. دي اعجب لان القرآن لا غير قابل ان حد يكون الفه. غير قابل وده اللي هتفهموه لما تبقو تترجوا على الفيديو كيف - 00:19:26

انا القرآن من عند الله في ربع ساعة هو غير قابل ان يكون مؤلف من البشر اصلا ده لو عمل البشر يبقى اسهل من انه يألفه انه

يفتريه تصوروا بقى ثم ربنا بيلقن النبي ازاي يرد عليهم بقى بصر - [00:19:49](#)

قل ان افتريته فلا تملكون لي من الله شيئا ان افتريته شرط جواب الشرط ايه؟ ممحزوف مش موجود في الاية تقديره عاقبني ربى او عذبني قل ان افتريته عاقبني ربى او ان افتريته عذبني ربى - [00:20:04](#)

طيب هل هيعدنك عذاب شديد يعني لو افتريته؟ ما يمكن كده آآ عذاب خفيف كده ضربتين كده ولا مسطرتين على الاید وخلاص. لأن بص البلاغة بقى. بص البلاغة قل ان افتريته فلا تملكون لي من الله شيئا - [00:20:25](#)

يعني انتم اعدائي و بتكرهوني و تتمنوا اني اموت. ومع ذلك لو انا في قرية القرآن ده ده هييعزبني عذاب لدرجة ان انا اصعب عليكم انتم. انتم هتشفقو علي لدرجة انكم هتحاولوا تدافعوا عنى او - [00:20:43](#)

تساعدوني اني اختبئ او اني عشان اتفادى عذاب الله. لكن انتم مش هتقدرؤا تساعدوني. هم اصلا مش هيحاولوا يساعدوه فتخيل بقى لما تزوج لاعدى اعدائك و تقول له ده انا لو عملت كذا ده انت مش هتقدر تساعدنى. يعني هو انت نفسك انا هصعب عليك. بيقول لك اصعب على الكافر - [00:21:03](#)

تخيل النبي بيقول كده الاعداء كنایة عن شدة عذاب الله له ان تقول عليه بعض الاقاويل او كذب عليه او الف اي حاجة القرآن تمانية ام يقولون افتراء قل ان افتريته فلا تملكون لي من الله شيئا هو اعلم بما تفيفون فيه - [00:21:20](#)

ربنا عارف اللي انتم بتقولوه يعني ربنا يعلم اللي انت بتقولوه ان انا انا باكرب وبألف القرآن فانا بافوض ربى بيبني وبينكم كفى به شهيدا بيبني وبينكم وهو الغفور الرحيم - [00:21:43](#)

هو اللي هيشهد علينا هو اللي هيشهد علينا بالحق وينصف اللي على حق ويعلن انهزام الانسان اللي على باطل وما تخافوش هو الغفور الرحيم. تأكروا ان لو فيه اي فرصة يغفر او يرحم فلن يفوتها. بس ايضا ده معناه ان هو غفور رحيم لغاية دلوقتي اهو - [00:21:59](#)

ما تفوتوش الفرصة مش انتم قلتم علي كزاب وقلتم علي ساحر. قلتم كل حاجة. لست هو غفور رحيم. لحد دلوقتي ما تضيعوش الفرصة نتوقف هنا الليلة - [00:22:21](#)

اللهم انا نسألك حبك وحب من يحبك وحب كل عمل يقربنا الى حبك اللهم ما رزقتنا ما نحب فاجعله قوة لنا فيما تحب وما زويت علينا مما نحب فاجعله فراغا لنا فيما تحب. اللهم اجعل حبك احب اليها من اهلينا وامواتنا - [00:22:35](#)

احوالنا ومن الماء البارد على الظلم اللهم حبنا اليك والى ملائكتك وانبيائك ورسلك وعبادك الصالحين واجعلنا من يحبك ويحب ملائكتك وانبيائك ورسلك وعبادك الصالحين اللهم احيي قلوبنا بحبك واجعلنا لك كما تحب - [00:22:58](#)

اللهم اجعلنا نحبك بكل قلوبنا ونرضيك بكل اجسادنا. اللهم اجعل حبنا لك وسعينا كله في مرضاتك اللهم اجعل القرآن الكريم رب عبادنا ونور صدورنا وجلاء احزاننا وذهاب همومنا وغمومنا ومغفرة ذنبنا - [00:23:24](#)

اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون فبحق كل حرف في كتابك تلوناه او تدبرناه - [00:23:51](#)

اكفنا واهلينا واخواننا شر كل من يكيد لنا و لهم واحفظنا وياهم من شرورهم. و يجعل الله في نحورهم فانت الوكيل ولا حول ولا قوة الا بك اللهم بحق كل حرف في كتابك تلوناه او تدبرناه. ايد بننصرك المرابطين في الارض المباركة فلسطين - [00:24:16](#)

وانصرهم وانصر من نصرهم. واخذل من خذلهم وطهر المسجد الاقصى من الدنس فانهم لا يعجزونك اللهم من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من اخواتنا او من مشاربنا - [00:24:40](#)

او من علمائنا مريضا به او حاملا له فالبشه ثوب الصحة والعافية عاجلا غير اجل ومن لم يصب به فقهه شره. وابعد عنه. ولا تسلطه الا على اعدائك واعداء دينك واعداء - [00:24:59](#)

في اولياتك اللهم انك تعلم ان هذه القلوب قد اجتمعت على كتابك وعلى محبتك والتقت يا ربنا على طاعتك وتوحدت على دعوتك وتعاهدت على نصرة شريعتك فوق اللهم رابطتها. وادم ودها واهدها سبلها. واملأها بنورك الذي لا يخبو. واشرح صدورها - [00:25:19](#)

في فيض الايمان بك وجميل التوكل عليك. واحيها يا ربنا بمعرفتك وامتها يا مولانا على الشهادة في سبيلك انك نعم المولى ونعم النصير. والسلام عليكم ورحمة الله وبركاته ونراكم غدا باذن الله - 00:25:48

في نفس هذا الموعد ان كنا من اهل الدنيا - 00:26:09